

興國縣志卷之三十七

藝文 三

國朝申文

黃惟桂

請復防汛詳文

爲請復防汛以塞盜源事竊照興國泰和之界有一險要隘口名曰白羊坳乃四縣之咽喉吉安之門戶也山高路險久爲盜賊出入之區

國初以來舊設防兵一營乃吉安分轄汛地而地方常保無虞自甲寅盜賊橫肆遍地烽煙吉安用兵孔亟遂

興國縣志

卷三十七

藝文
國朝申文

一

將防兵盡行撤回撤兵之後各寨猖狂浪川自此多事而泰和萬安一帶民無安居迄今數載地方未靖盜賊不息職此故也邇來各寨雖經招撫尚有寧都永豐之界與崖石接壤時常蠢動夤夜往來常擄萬泰邨鄉若果根株盡除七月內寶石撫目陣奪難婦入口從何而來詳察此賊皆從白羊坳出入竊發無人堵禦之所致今卑職管見仍令吉安設兵一營復防舊汛縱有山賊鳥合之衆不能插翅而過卽搶擄婦女不能奮翼而飛我兵固守可以斷其往返絕其歸路此兵一設山賊不擒而自息矣伏乞俯採轉詳飭查舊例原係何營駐防

速賜設汛以守險要以塞盜源地方幸甚

上平崖石詳文

爲密陳管見仰佐軍機事竊照崖石一寨實係一郡安危肆掠有年屢撫屢叛各上憲總總以此賊爲慮仰見憂國恤民之盛心卑職職司守土而地方之情形與逆賊之變詐知之頗悉敢約陳一二以佐勦撫查得各處逆賊皆可用撫獨崖石宜用征勦蓋因崖石十三年叛亂彼時我兵進勦已經乘勝上寨崖逆俛首請降我兵一退伊復跳梁沿今五載搶擄七縣害盡生靈近見吳逆敗滅湖粵蕩平又有搖尾乞憐之態彼必藉口曰已

興國縣志

卷三十七

藝文
國朝申文

二

經投誠矣若果投誠何爲屢肆搶擄見有難民謝克明謝上卿等自寨逃來據供泰和萬安弁桃芝難婦見在賊巢以數千計其標下賊頭王老七謝都熊都統領賊衆四處搶劫陽順陰逆惡跡顯然萬一輕信墮其狡術但有地方蠢動勢必乘風而起益鴟張而難滅矣以卑職管見撲滅此寇亦不甚難一要得天時伊寨上糧米有限全取資於寨下若待六月中舊穀旣沒新穀未升青黃不接之日一旦大師雲集據其阨要奪其田糧伊以萬餘家口待哺於峭壁之上不待一月則相殺而食矣二要據阨口崖逆口糧旣絕勢必衝路出圍東則有

寧都兵勇堵其路西則調興國鄉勇堵其口南則有雲
都鄉兵把其阨北則有永豐萬泰鄉勇截其後來則禦
之去則守之逆賊無糧而食無柴而爨可不攻而自破
矣三要裕糧草查崖石山下腴田甚多七月間籽粒將
熟皆可收之以養兵取逆賊之糧以供我軍之戰守有
不待輓輸而飽騰有餘裕矣以憲臺之勝算賴戰將之
雄威當楚孽之潰敗仗

盛朝之威靈滅此朝食如縱烈火而燃鴻毛有何難哉
竊恐賊謀狡猾見此時勢必且佯爲投降卽以投降而
論必須統師臨寨令其削髮下寨挾妻子繳器械離寨
興國縣志

卷三十七

藝文
國朝申文

三

數百里安插別府別縣猛虎離山不能肆其咆哮如此
然後於寨上另安官兵永鎮險要或可息盜萌而靖反
側矣五年來時勢難行今四處漸平孤寨難恃天予卽
取免受其殃此千載一時也伏乞照詳施行

詳禁運軍板害碑文

爲軍民分籍已久刁軍夙弊復萌頒恩轉詳以救子遺
以全國賦事案據貢生劉天真等生員鍾汝連等鄉耆
里民鍾崇鐸等具呈前事當經本縣看得興民慘遭兵
火荼毒五年殺戮者已成灰燼苟活者僅存皮骨此時
卽多方撫綏恐難救藥又豈能當劈空之陷害乎從來

軍有軍差民有民徭各有編冊豈得混扳獨信豐所有可駭者康熙初年信豐所軍丁苦於幫運當僉運造船之期扳懦弱之民以充軍籍捕風捉影扳一人而害一人扳一家而破一家誠贛屬之積弊而地方之巨害也興邑因民不堪命於康熙十二年間具控南安府軍廳署興國縣事陳案下備悉旗丁妄扳之害蒙查軍民籍貫分別造冊通詳督撫司道業蒙各憲批允勒石以杜牽害見有卷宗在案以爲軍民之編審已明縣衛之籍貫已分憲批霜嚴勒石存照此事已成鐵案矣不期邇來信豐所旗丁又扳興民爲軍籍內開呂啟初陳春等

興國縣志

卷三十七

藝文
國朝申文

四

名曰新丁若果有此人自當遵解查呂啟初已註遠年逃亡見載信所編冊而所扳呂伏元呂在如徧查興邑絕無此人又報陳春卽陳萬言查陳萬言乃久故之生員因在日曾爲狀首今故害及子孫總之所報者俱係編戶民籍與軍衛風馬無涉一旦扳入旗甲不但目前蕩產誠世世子孫之害也通邑士民盈庭哭號贖冊求詳卑職忝司民牧目覩兵燹遺黎無端被害倘不據實代陳難免溺職之咎謹將前任督撫兩院憲暨司道各批并信豐所編審冊籍抄謄呈上仰祈電鑒等緣由通詳各上憲去後隨奉總督部院董批仰布政司會同糧

道查報冊併發奉撫都院佟批仰布政司會同督糧道查報冊併發奉贛南道任批軍籍民籍已經分別造冊通詳督撫司道其批允勒石卷案昭然何物信豐所刁軍敢肆意板害與民耶仰候院司詳行繳又奉本府正堂萬加看通詳去後隨奉巡撫都院佟批軍民異籍難容紊越信豐所何故捏名違例板擾仰府卽行該所嚴查報奪繳又奉布政司王隨奉院批行府檄行信興二縣提到信豐所刁軍蔡酉生李時中蕭居政江潑兒劉春旺等併弔集原具公呈紳衿鄉耆里民人等當堂質審蒙府審得蔡酉生李時中皆信豐所運丁狼狽相倚

興國縣志

卷三十七

藝文
國朝申文

五

朋比作奸興邑之民歷被運丁板害棄糧遠徙匪伊朝夕矣雖屢奉禁飭若輩未能革心去歲乘僉新運乃故智復萌將冊註遠年逃亡籍貫莫可稽考之呂啟初下添寫卽呂伏元呂在如及黃文華悉係鬼名興邑遍查並無其人復捏呂爾載呂啟龍則係東二里十甲編氓也陳春軍冊無名乃久故之生員陳萬言陳玉文此又係興邑北二里之民籍俱經黃令查明取具里鄰甘結在案其爲妄板平民無疑矣今茲研訊雖彼此互推終不能掩開報實情本應從重究擬念無茹誑各予一杖但據合邑紳士鄉耆控籲紛紛咸求永除民害伏候憲

臺俯賜勒石嚴禁庶奸刁厲階從此可戢矣等由詳覆
隨奉布政司王會同糧道詳看得軍民異籍無容紊亂
刁軍扳害久奉嚴禁何信豐所刁軍蔡酉生李時中等
以積蠹老奸朋比亂法屢禁不悛復乘僉報新丁之際
混將無籍之鬼名捏報又將興邑之編氓妄扳以致合
邑之紳士鄉耆控籲紛紛行據該府嚴提究審妄報情
真供吐鑿據本應嚴加究擬以儆刁玩但據詳二犯並
無茹贓且事在

恩赦以前應否從寬免擬勒石永禁統候憲裁緣由奉
撫都院佟批蔡酉生李時中以積蠹刁軍捏名扳擾法

興國縣志

卷三十七

藝文
國朝申文

六

難寬假旣在 赦前姑如詳免罪發落仍勒石永禁報
繳等因批司行府轉飭信興二縣一體遵照仍將勒石
永禁過緣由并遵依繳報等因奉此本縣凜遵憲批細
將民籍開載於後勒石嚴禁永除扳害以安民生恪宜
遵守爲此勒石須至勒石者

張尚瑗

申請發粟濟饑詳文

贛州府興國縣爲饑民粒食如珠農時濟耕無策籲天
詳請發倉借食起死回生事據里民李以達王良萬劉
德亮姚彝敘等具呈前事呈稱云云等情據此該卑職

查得興邑僻在萬山田土瘠薄民間收穀僅敷食用素鮮蓋藏加以前歲歲春夏連遭暵旱吉贛南安三郡靡不歉收而興邑爲尤甚是以里民具呈哀懇出借倉穀以濟春耕也竊思常平倉穀原爲備荒而設然存七糶三奉有成例曷敢輕動卽欲暫時通融亦必得請而後舉行但贛屬距省千二百里若俟請而後行誠恐遷延時日坐令數萬生靈枵腹待斃老羸者轉乎溝壑少壯者挺而走險變生莫測將若之何竊念古人矯詔發粟開倉平糶往往便宜行事卑職初任地方首以民命爲重不揣冒昧徑將卑縣交代所受倉穀若干石興國縣志

卷三十七

藝文 國朝申文

暫行減價出糶俟秋成買補還倉其有本地窮民外戶客籍無錢可買者亦照煙冊量其男婦口數多寡大小權爲分貸以濟佃耕至禾稼登場卽按數催償再有游散傭工流移轉徙者卑職現在設法倡捐煮粥施賑凡此拯饑亟務皆從地方起見蓋積之在倉者原係納之自民今以民之所納者濟民仍以民之所償者還官則饑民全活而倉廩無虧兩便之道也伏覩上憲保赤爲懷如傷在念是以卑職不辭專擅之咎非敢要譽市恩事關支動倉穀除一面徑詳各憲外相應一併詳請憲臺轉詳俯允批行

呈送修建碑刻申文

贛州府興國縣爲敬呈卑縣修建碑文揚本仰祈憲鑒
事竊卑職一介庸愚濫膺百里三年待罪蚊負實深兼
且縣境僻處萬山地盡荒涼俗多弇鄙愧乏展施之術
深慙化導之方竊以創建非常非循分者所敢出而修
舉廢墜實守土者所當爲興國儒學向來雖有先師文
廟而明倫堂缺焉未備是以諸生講道論文率皆隳廢
邑中社稷諸壇亦因鼎革之後鞠爲茂草以致祈報大
典草率弗虔縣城三面瞰水春漲泛溢每有衝激之患
加以甲申丙戌連遭霪雨傾頽甚多至於縣署譙樓觀
興國縣志
卷三十七
藝文
國朝申文
八
瞻所係亦復久圯不葺卑職忝司民社亟思倡建以副
聖天子暨各上憲教養深仁惓惓吏治之至意於康熙
四十三年至四十五年兩次修城於四十四年經始明
倫堂及社稷山川風雨諸壇并縣署譙樓等俱次第鳩
工庀建至四十六年先後落成今者欣逢憲臺仁風普
被凡屬士紳與夫田夫野老莫不欣欣向化共樂春臺
雖末吏迂愚救過不暇何敢自敘勞績然事屬地方興
廢奚容壅於上聞爲此不揣愚昧將前項修建鐫刻碑
文摹刷數冊恭呈憲鑒伏乞照驗施行

請禁時弊詳文

江西贛州府興國縣爲敗倫之惡習當除仰祈憲飭以
維風化事切興邑地處山陬民多固陋兼有閩廣流氓
僑居境內客家異籍禮義罔聞年來仰承憲臺教養深
仁且有利弊興革靡不殫躬盡職求報稱於萬一然尚
有一二錮弊關係倫常風化而爲習俗所移一往莫返
者卑職業經屢次飭禁第恐誠信未孚閭閻克遵守
茲特開列上陳伏惟憲臺俯察嚴加申禁焉

一義子亂宗宜禁也民家乏嗣許令同宗昭穆相當之
人承繼如近房無人擇立遠房不許乞養異姓以亂宗
族律文開載甚明興邑積習相沿多以伯道無兒爲諱

興國縣志

卷三十七

藝文
國朝申文

九

潛養異姓之子撫如親生立繼承祧反置同懷子姪於
不問是與覆宗絕祀者何異迨至身後或應繼之子出
爭或同族之人覬覦紛紛訐訟破散家貲其禍甚烈而
其所被撫者踞家貲襲宗祀他人骨肉恣意間離本生
父母反同陌路春秋所謂莒人滅鄆禮經所謂與爲人
後此二弊兼有之矣相應詳請憲臺嚴行飭禁如有犯
者按律治罪勒令歸宗其有願爲異姓後而不顧本生
父母者卽治以不孝之罪庶天性明而人倫肅矣

一鬻賣妻室宜禁也夫婦爲人倫之首婦人卽干犯七
出猶有三不去之條蓋寧使鬻去而隱忍依違必不使

不當去而無端決絕情之所至一切亦法之所至慎也興
邑陋俗或因伉儷不和或爲饑寒所迫輒將已妻妾作
姊妹等項名色轉嫁他人或寫立婚書公行休賣卽有
良婦懷慚抱忿不肯改行辱身亦多迫於不得已而去
而罔知廉恥者視背夫若棄屣欣然再醮倫常掃地莫
此爲甚更有圖利姦徒慣作媒保有如賈販割人妻室
不異居奇釀禍敗倫更堪髮指卑職待罪以來此等事
情累形案牘相應詳請憲臺嚴行飭禁如有無故棄妻
者按律懲治并知情娶納及煽誘作合之人俱從重究
擬俾匹夫匹婦咸知人倫爲重不敢輕離庶幾上合天
和而風化得正矣

興國縣志

卷三十七

藝文
國朝申文

十

一棄賣祖墳宜禁也卑幼發掘尊長墳墓及棄屍賣墳
地與人律均坐斬夫所謂卑幼雖不指子孫尊長亦不
指祖父母父母然卑幼之罪如此豈應子孫無故發掘
祖父母父母墳墓及棄屍賣地而反得安然無罪乎興
邑每有不肖子孫將祖先墳墓公然棄賣或平治爲園
林或作他人墓穴原葬屍骸竟置於不可問其間或有
故家舊族經營於數十年之前而毀廢於累傳之後良
可痛也相應詳請憲臺通行飭禁如有犯者卽比照卑
幼之例嚴加治罪其知情買人墳地者亦照律分別究

治庶愚民知有法紀而入土遺骸亦得永安於地下矣
一淺殯開棺宜禁也興邑惡俗大都惑於風水親亡之
日屍棺浮土掩埋名曰淺殯經隔數年欲驗地之吉凶
復啟土開看卽棄棺而置骸骨於瓦器名曰筋罐以棕
葦包裹又曰棕包其情總屬癡愚其事實同發掘查律
云有故而依禮遷葬者不坐罪是無故而遷皆有干
國典而况掘土開看以致屍骸移動易棺木爲瓦罐棕
包豈爲人子者所忍爲乎至於風水之說本屬渺茫暴
露親屍希圖己福若有徵應獲譴必嚴相應詳請憲臺
嚴行飭禁其有將屍棺淺殯復啟土開看者痛加懲治

興國縣志

卷三十七

藝文
國朝申文

十一

庶無知愚民不致希冥漠之休禎而蹈目前之顯戮矣
以上四條皆關倫常法紀若不仰藉憲威申禁愚頑無
所顧忌故不揣冒昧具詳憲覽伏乞迅賜批飭嚴行勒
石禁止俾下吏小民永爲遵守有裨風化匪淺鮮矣爲
此備由具申伏乞照詳施行

申明絕戶屯田應歸民業詳文

贛州府興國縣爲棍勢滔天頒憲賞差賚示等事康熙
四十一年九月二十四日奉本府票開仰役云等因
蒙差劉朝賚示到縣奉此隨據佃民鍾引才謝宗顏等
連名具呈爲虎軍血佔沈寃莫伸籲天繳示轉詳杜害

事詞稱

云

等情環庭呼籲卑職查得興邑屯田自前

朝隆慶年間奉憲丈量清查分爲活絕二戶其絕戶之田奉府摘發下縣名佃開墾給帖與之爲業蓋爲軍絕不能復續而田荒可以募耕此軍田歸民之所由起也乃至今日而軍復起而爭之是絕於百有餘年之前而忽續於百有餘年之後有是理乎且軍之戶絕是軍自絕之非民之戕害迫逐而絕之也田之歸民又官實歸之非民之貪婪攘竊而歸之也若軍可以爭絕戶之田於民則民亦可以爭活戶之田於軍乎再照衛軍之有屯田以贍運也查信豐會昌二所軍丁向司守禦自奉

興國縣志

卷三十七

藝文

國朝申文

三

裁革屯田起科從無所軍運糧之例而今爲衛軍扳告現在分任運糧夫駕運則分之於所軍而絕田又欲奪之於民戶何衛軍之力宜加省而食宜加豐也又據鍾引才等呈驗歷年完糧印票已歷五十餘年則此田爲民之世業亦已久矣一旦忽奪而歸之軍是軍固久絕而必欲使之不絕民實未絕而無端強之使絕恐非民心之所能甘也是以鍾引才等有泣奏公田冤苦等事控前院司批府提審未結而衛軍劉啟文等機乘各憲新蒞卑職因公赴省輒駕詞朦混憲聰又不依奉憲批發職查究捺詞復瀆稟發告示請飭衙司張掛率職省

回接奉憲示若一張掛軍必藉以橫行勢必軍民爭鬪
騷動闔邑卑職深以國計民生爲念故特查明公田原
委詳請憲臺或應清查聽民照舊耕種或將鍾引才等
解赴憲臺親詢統祈批示遵行

查造軍田冊籍牌檄

贛州府興國縣爲查造軍田冊籍以便彙核申憲永杜
紛爭事照得興國活絕軍田坵畝四至各有定額毋容
紊亂乃有刁奸之戶倚籍撥給爲名或稱活戶佔絕或
稱民間隱耕或軍與民爭或軍與軍爭上告下控月無
虛日迨至按籍而稽則所告侵佔之處茫無可考蓋由

興國縣志

卷三十七

藝文

國朝申文

三

各軍田向無細冊可查遂致以強凌弱紛爭不已雖其
間隱耕漏報者固當加意清查歸之絕戶以濟贍運而
刁黠運丁不遵撥冊恣意搜求其活戶軍家侵欺越佔
亦非理法之平除民田已有鱗冊無庸再造外所有現
在活戶軍田坵畝四至細冊及絕戶軍田現在辦糧收
租細冊合行查造爲此票仰該地方練保迅將活戶絕
戶兩項軍田星速查明坵畝四址坐落土名及佃人姓
名租担數目并辦糧船名戶名逐一分晰造具細冊限
■日呈縣以憑彙核詳明各憲永杜紛爭此係本縣爲
軍息訟至意該練保不得藉詞需索致于重究

請革墟長詳文

嚴查私充牙行等事奉本府正堂朱票行前事票開云云等因奉此案查康熙四十七年十一月三十日據方太居民何正湧等呈爲懇准倒墟杜除禍患以靖地方事呈稱云云等情據此又據城崗居民余簡臣等呈爲懇恩革墟以絕匪類以靖地方事呈稱云云等情各具呈到縣據此卑職當查方太城崗二墟雖據該地居民呈稱設墟之害不一而足但其弊源實在墟長應否革除正在詳憲批示間茲奉憲檄飭查除將有帖官牙已經另文着令齎帖送驗外該卑職查得牙戶開行由來

興國縣志

卷三十七

藝文
國朝申文

十四

已久至於墟長乃係私立之名非可與評估物價報稅官牙同日而語興邑方太等處共有八墟原因遠處鄉民便於就近貿易而設其趨墟趕集之人俱係零星貨物朝聚暮散絕非開張舖戶之比豈意方太等處私立墟長以來凡遇貨物到墟無不刻意勒索或一兩而抽至三四分五六分不等名爲牙用實同紮詐迨奉憲飭查問其有無領帖非曰已經自退卽曰從無此名甚且勾引匪類潛入墟場或開賭博攫金或窩私販取利若地方小有事故卽把持武斷魚肉卽愚種種爲非鄉民側目卽如近奉憲行編聯保甲伊等指爲墟場所屬不

令煙民開報雖經勒令編造一體遵行然其不公不法爲害民生亦已極矣再如營前江口兩墟離城更遠山深地僻最易藏奸而墟長之行私壟斷作奸犯科更倍他處茲據方太城崗二墟居民何正湧等具呈前來並請罷墟夫墟場本係便民之事何爲請罷蓋因畏忌奸民虐焰故不言墟長之患而止言墟場之弊以爲墟罷而墟長自除也除將現在各墟場應留應罷仍聽居民自便外所有墟長名色相應詳請憲臺嚴批禁革俾卑職刊立木榜曉諭民間永爲遵守如有犯者解憲嚴究地方幸甚民生幸甚

興國縣志

卷三十七

藝文
國朝申文

五

本年月日奉本府批革除墟長名色誠恐有虧課額不準行等因奉此覆查得興邑額徵落地稅銀向係牙戶完辦從無空缺且各處墟長把持壟斷魚肉鄉愚甚且勾引匪類窩賭博窩私鹽爲害甚大相應仍請憲臺革除再查地方因革總歸便民墟長旣請革除其各墟之期仍聽小民照常依期買賣等因又奉本府批墟長旣爲地方之害何不於未查私牙之前詳請革除仰再查實詳報以憑核奪等因奉此覆查得墟長名色實有害於民生而無裨於國課至於稅課定額自有官牙完辦並無虧誤之處總祈憲臺將此項革除則藉名抽勒之

弊可絕等因康熙四十八年七月初六日奉本府批墟長名色既稱有害民生無裨國課如詳刊榜革除但不得名去實存長奸滋弊致干查究繳

申辯銷鹽小票會詳文

贛州府興國縣爲小票未開年分融銷甚屬無憑謹合詞具詳仰祈憲鑒以絕牽混以免枉叅事竊贛屬十二縣應銷額鹽從無部引到縣惟奉潮州分司用印小票督銷而分司票內止有鹽劬數目橋商姓名並未開明係何年分之鹽及融銷字樣至於銷鹽縣分分司票內皆係空白聽散客自行填註以小票而代引目銷額鹽

興國縣志

卷三十七

藝文

國朝申文

六

由來久矣祇緣潮州分司惟憑橋商混報爲完欠不以小票爲標準凡有足額溢額之縣概以未完報叅所以零都安遠等縣於康熙四十五年九月間在更定鹽法考成等事案內通詳各憲迨奉憲飭查潮州分司又稱安遠等縣銷過鹽劬俱係舊引並非本年之額而所銷票底又稱已經遺失無從查考幸蒙督撫兩憲洞鑒其弊嚴批查飭并蒙各憲於康熙四十六年五月間在欽奉

上諭事案內檄行各縣內開贛屬既經銷足溢額有分司印票爲據則其確實可知又云贛屬十二縣此後自

無枉罹處分之虞等因行縣遵照卑職等捧檄之下仰見憲臺俯恤屬員無微不至鑒定章程而剔弊藪深且至矣其如潮州分司仍以通融運銷之名紛行下屬卽如今年五月間贛屬興國等縣造報康熙四十五年額引全完數目清冊潮州分司以未開額鹽年分又稱橋鹽發運係是融銷復行駁回殊不知分司小票向來並無額鹽年分並未開明融銷字樣今分司忽以年分未開復行駁飭是明設機筭以陷各邑也况卑職等職司銷引止知驗票登號查察官私又督銷引額如未及數卽干停陞降革之例所以凡有小票到縣如係某年給發

興國縣志

卷三十七

藝文
國朝申文

七

者卽爲某年額引竭力督銷以期足額甚而有至溢額者卑職等奉令銷鹽可幸無罪矣若分司以報銷額鹽無有年分遂不作本年之額則當發票之時應卽開明額鹽年分并註明何者爲融銷何者爲額引乃於報完具冊之後紛紛駁飭是誠何心哉茲值奏報之期若不預行詳明勢必仍蹈故轍藉通融報欠之論枉加叅處橫陷網羅爲此合詞具詳并將卑職等銷過足額鹽劬數目冊同散客票底一並呈送憲覽懇祈憲臺俯念卑職等督銷額引止憑分司小票並無融銷年分之處立賜嚴查弔驗分司票底則完欠立見而卑職等感戴憲

恩不朽矣爲此除會詳廣東督撫鹽三院鹽法道暨本省贛南道憲外合行具詳伏乞照詳并懇照轉云
會詳張案帑鹽堆貯贛屬融銷文云

贛州府興國縣爲帶銷不遵原派經手未定專司謹合詞具詳仰祈憲察重章程正重國帑事切贛屬十二邑奉文召募土商雖於四十六年爲始實於四十七年五月間詳定其間招商之委曲輓運之艱難奏期之迫促而又有帶銷橋商各年未完餉項陸運司鹽劬種種拮据久邀各憲洞察然卑職等職任督銷惟有竭力奉行以期餉費無虧商民得所何敢稍有推委乃若事情

興國縣志

卷三十七

藝文
國朝申文

六

更變將貽害於贛屬者卑職等不能無呼籲焉竊查康熙四十八年五月二十九日接奉本府暨廣東潮州府轉奉粵東各憲印票一件特叅道員等事內一款云張天覺鹽劬發往某縣運到之日該縣出具收管報與委官存照發賣之時該縣卽照新鹽現賣價值聽小販售買價銀赴縣交收張天覺原商家人止許發鹽看賣鹽價不許絲毫經手賣過鹽銀該縣隨賣隨解如不嚴察經收致有缺少者著落地方官賠補又一款云潮惠各縣引繁餉重汀贛各縣引少餉輕若將張天覺鹽劬於難銷地方一概配搭則難銷各縣斷不能銷若不於

易銷地方融銷則引少之處額引銷完居民豈能食淡
合遵部文運往各埠通融銷售張天覺應銷舊三鹽劬
押令原商人陸續運至贛汀易銷之處堆貯埠內若無
新鹽方准舊鹽接賣此兩說者一係原題所無一係立
法互異卑職等亟爲申明夫帶銷張天覺舊額鹽原爲
抵帑而設後部議以鹽價短少委員督商運銷亦爲抵
帑而設非因天覺虧空之後欲其行私罔利也至於配
銷天覺舊三鹽劬係奉各憲按引均配明文具在無所
容其增減且贛屬十二邑近奉粵東撫憲加鹽均引而
又有四十一二三四五等年帶銷鹽劬正慮銷賣無途

興國縣志

卷三十七

藝文

國朝申文

五

何慮民間食淡至若部議運往各墟通融銷售是指惠
潮等四府各埠而言非僅指贛屬而言今借融銷二字
欲將惠潮派定之鹽運至贛屬堆貯何惠潮之民不妨
食淡而贛屬之民獨能加倍食鹹乎恐部議不若是之
偏也若謂贛屬引少餉輕在未經均引以前猶可言也
今旣奉均引則潮惠汀贛自屬一體何潮惠稱難而汀
贛獨稱易乎再照贛屬鹽引昔少而今多非真昔皆食
淡而今能加倍食鹹也不過嚴絕私鹽使盡食官鹽耳
贛境介乎潮惠汀吉四府之間路徑多岐緝私非易若
堆貯融銷之說起無論營私夾帶百弊叢生卽汀贛二

十縣之中便多越境衝賺之患疆界無分舊新莫辨隄防之法智勇俱窮譬之穿窬入室不能拒之以不來而第禁之以不取卽日夜防守而欲其纖毫無犯得乎且各邑土商係奉憲行召募一年之餉費一邑之食鹽皆取給於土商此外又有各年未完帶銷餉項一年而完數年之餉一人而辦數人之事商本無多仔肩更重加意撫恤猶憂其困敝今將惠潮均銷之鹽復派於贛屬是使天覺之原商占利於一方置額鹽於難售名爲堆貯不賣實開衝賺之門名爲先新後舊實啟誤新之兆矣卑職等害切剝膚不能嘿嘿相應剖晰具陳仰祈憲

興國縣志

卷三十七

藝文
國朝申文

三

臺迅賜移咨粵東督撫鹽三院將贛屬堆貯舊三之議卽賜寢止所有張天覺鹽餉仍照原派數目均於惠潮銷售庶於原題無悖而商民均有利賴矣至經收鹽價一欸卑職等自當遵奉憲行以期無悞但文內止令卑職等隨賣隨解並未議及賣鹽經手何人若令卑職等出具收鹽收管又令原商家人發鹽則事出兩岐而卑職等雖身任經收亦止能收銀起解造冊報數不能親赴埠中作駟僮之行若欲責諸經胥未奉明文何敢擅便所有帶銷天覺舊三鹽餉應着何人經手發賣及卑職等旣出收管原商家人應否免其發鹽以專責成之

處更新憲臺移咨一并裁奪示行

陳三元

請復中學申文

康熙五十六年十月二十九日本邑紳士廖應梓等以懇詳請題拓學爲中等詞具呈在縣十一月初六日詳據呈興國縣知縣陳看得人才之盛自古爲難文教單敷於今爲最我

皇上臨御數十年樂育斯文訓飭士子其所以鼓舞而培養者靡不周至是以遐陬僻壤咸知誦讀村童牧豎盡識詩書誠亘古一時千載所未有也江右去京師不

興國縣志

卷三十七

藝文
國朝申文

三

遠

聖朝雨露沐浴尤深更逢各憲體

聖天子之德意菁莪造士樸棫作人雖巖疆下邑莫不駸駸向化有民社之責者何敢不益加鼓勵以宏

盛治查贛屬十二縣稽其國賦則贛縣地丁不下三萬兩寧都不下三萬餘兩興國亦不下二萬餘兩並稱大縣至於歲科兩試入學額數其贛寧二縣仍照大學各取十五名信豐龍南二邑地丁錢糧僅載一萬有奇或不及萬兩取進童生亦照大學額數又雩都會昌瑞金長寧安遠五縣地丁不滿一萬兩取進童生各十二名

俱照中學額數惟興國則與石城定南二小縣一例取進童生八名其間賦役既有多寡之殊似應就賦役之多寡定入學之成規况興邑戶口較前日繁讀書子弟現今日盛入學限於額少孤寒上進維艱合無請將縣邑小學改爲中學廣額四名俾童生進身有階不致格於成額將見士心益奮而士氣益伸矣康熙五十六年十二月二十六日奉總督部院常批據興國縣詳據士民公懇申詳將興邑小縣改爲中學廣額四名緣由奉批仰江西布政司確查通報等因批司奉此合就抄詳檄行備票行府即便查明興國縣請改爲中學情節可

興國縣志

卷三十七

藝文
國朝申文

三

否詳請具題酌議妥確具文詳報以憑查核通詳毋得遲延計粘抄詳一紙等因奉此合就轉行爲此仰縣官吏照票事理即便查明該縣請改爲中學情節可否請詳具題酌議妥確以憑查核通詳云隨該興國縣陳三元覆看得贛屬十二縣惟贛縣寧都興國三邑爲最是以論錢糧則稱大縣而歲科兩試取進文武童生定爲小學之額上之既不得等於信豐龍南二邑與贛寧而並爲大學次之又不得等於雩都會昌瑞金長寧安遠而爲中學僅與石城定南二小縣列爲小學者卑職備查其故蓋因鼎革之初興邑屢遭兵燹庠序荆榛人

民逃散斯時應試者少前順治十七年學憲樊按臨考校童生應試者寥寥以致原係中學降同小學嗣後流亡復業戶口殷繁前任知縣何令張令疊據紳士呈請復學爲中經張令於康熙四十五年詳請未蒙題准至今五十七年又已十餘載恭逢各憲加意造士興邑人文較前愈盛若格於定例仍照小學取進童生八名則衡文學憲不能破格拔才未免遺珠致歎抱璞興嗟是亦

聖朝之闕典也事關作人卑職身在地方不得不爲仰懇憲臺俯從紳士所請轉詳請題將小學復爲中學因與國縣志

卷三十七

藝文
國朝申文

三

時制宜庶文治有光學校幸甚奉檄飭查擬合具文詳覆核轉爲此備由同書冊具申

康熙五十八年三月十六日准禮部札開儀制清吏司案呈奉本部送禮科抄出本部題請前事內開該臣等議得江西學政王疏稱贛州府與國縣賦役與大縣相同向止定爲中學又緣昔年應試童生寥寥無幾遂致降爲小學迨後昇平日久戶口殷繁讀書好學者雲蒸霞起是以與國童生十倍於前而額數僅同小學合邑紳士廖應梓等具呈公懇轉籲

皇上天恩念其人才倍出復學爲中以宏進取誠與江

南南陵中學改爲大學之新例相符會同江南江西督臣常江西撫臣白合詞具題前來查康熙五十七年二月內原任江南學政林疏稱中學之南陵縣賦稅加於涇縣之大學懇將南陵縣之中學改爲大學臣部議覆將南陵之中學改爲大學照例考取童生具題奉

旨依議在案今該學政王旣稱與國縣賦役與大縣相符應考童生十倍於前等語應如該學政所請將與國縣之小學復爲中學照例考取童生可也康熙五十八年二月初五日題本月初九日奉

旨依議欽此到部相應劄行該學政可也爲此合劄前

興國縣志

卷三十七

藝文
國朝申文

二

去遵照施行等因到院准此除移會督撫兩院外合就檄行備牌仰職即便呈堂轉移各司道併行贛州府轉行欽遵施行等因轉呈到司據此合就移會爲此備咨貴司煩爲查照併轉移驛鹽饒贛各道一體欽遵施行等因准此合就移會爲此備關貴道煩爲查照欽遵施行等因到護道准此合就轉行備牌行府查照司移事理一體欽遵施行等因奉此合就轉行爲此仰縣官吏照牌事理即便移行儒學一體欽遵施行毋違須至牌者

孔興浙

請增書院膏火詳文

贛州府興國縣爲恩餘裁給德洽潛修事乾隆十五年
九月日據生員王敬售鍾一鴻謝丹五胡作雲童生蕭
韻清鍾勳郭葵等具呈前事呈稱云等情據此該卑
職查得興邑生童沐憲臺作育之恩設立義學前令金
履寬詳定於上官戶公租內抽穀二十四石并學前地
租六兩以爲延師脩脯之資伏查興邑自宋太平興國
七年建縣程大中公諱珣首宰是邑率先賢兩程夫
子從學濂溪流風餘韻至今數百年未墜但僻在山陬
士習樸茂有餘文學不足卑職奉委蒞署斯邑念多士
興國縣志

卷三十七

藝文
國朝申文

三十五

有可受教之地而未能廣益教思上無以仰副

聖天子崇學右文至意實切滋懼卑職雖才極駑鈍竊
圖愧奮爰於到任之後卽詣書院瞻仰先賢條列學
規捐備供給每月三期考課甄別勤惰雖膠庠弟子敦
尚樸魯而數月以來文學漸開多士知奮但規模初具
膏火鮮資卑職五日代庖不得不爲善後之請茲據各
生童呈懇情切查興邑公項原有上官戶內公田租穀
一百三十六石九斗零已經前令詳准歲支二十四石
爲掌教脩脯今仍懇請於此項租內每年撥給穀四十
八石以爲諸生膏火之資庶三程過化之地可彷彿鹿

洞鷺湖於萬一青藜普照藝林文教覃敷多士沾沐憲
恩羣挾肌髓現在修輯志乘亟望恩光永垂梨棗所有
多士微忱卑職未敢擅便相應詳請憲臺俯賜查核批
示除徑詳藩憲外爲此備由具申伏乞照詳施行隨奉
本府劉批既經具詳藩憲候批示飭遵此繳本年十一
月十三日奉本府牌開十一月初五日奉布政使司彭
批前查興國縣義學膏火久經詳定有數今遽請加
增是否可行仰贛州府查明妥議詳覆繳等因到縣奉
此該卑職覆議得興邑書院旬有考課諸生晨夕鍵戶
潛心俱知實力向學第負笈從師率多寒士焚膏不繼
興國縣志 卷三十七 藝文 國朝申文 三
未免向隅且涵育薰陶必經年久歲深又非旦夕捐給
可以畢事卑職悉心經畫誠有不得不據呈懇請撥給
公費以宏作養以垂永久者查興邑公項有上官戶田
租已經前令金履寬詳准歲支二十四石爲掌教脩脯
更懇於此項租內撥給四十八石以爲諸生每月膏火
之資在寒士權衡盈縮實無浮濫並可經久如蒙憲恩
批允並請訓示嗣後肄業諸生務責有司延請經師每
月實心考課按季甄別勤惰註冊以定去留如此庶三
程過化之地可冀風氣日開而且視朱陸鹿洞鷺湖之
勝並爲西江生色矣緣奉飭議是否有當伏候憲臺俯

賜核轉

云

奉署府李批候轉詳藩憲批示飭遵此覆

十六年四月十九日奉分巡吉贛南道兼攝本府事施牌開本年四月十五日奉布政使司王批前護府呈詳前事奉批候轉詳院憲批示飭遵繳五月十三日奉分巡吉贛南道兼攝本府事施票開五月初五日奉布政使司王憲牌內開四月二十日奉巡撫部院舒批本司議詳前事奉批如詳轉飭遵照仍飭該縣實力奉行不得始勤終惰藉滋糜費虛冒致干未便年底將師生姓名收支各數彙冊送查繳等因行司到府奉此合就轉行為此仰縣官吏遵照憲批事理即便知照實力奉行

興國縣志

卷三十七

藝文

國朝申文

三

不得始勤終惰藉滋糜費虛冒致干未便仍於每年底將師生姓名收支各數造具細冊五本具文送府以憑查明轉送藩憲核轉毋違

夏璜

書院延請本地山長詳文

贛州府興國縣為潑江書院公議延請本地山長懇恩轉詳事嘉慶二十四年六月初三日據舉人劉逢昌拔貢生謝鶴翎歲貢生呂承燮生員鍾熙瑞等具呈前事呈稱云等情到縣據此卑職查得興邑潑江書院向由本縣就近延請山長茲據舉人劉逢昌等以近年各

憲推薦山長來自外郡到館較遲兼之脩俸微薄難以
久留往往馬帳甫開驪駒旋賦肄業生童無所統率未
免任情作輟請照南昌東湖書院寧都梅江書院之例
專延本邑宿學紳儒庶可長年訓課聘定後仍稟明稽
考似於造士之道實有裨益如蒙憲恩俯准卽請以庚
辰年爲始仍遵照前撫憲金及鹽憲通飭於仲春啟館
至十一月散館每歲脩膳分爲四季支送若山長不依
期開館或半載內託故辭去卽將餘存脩金另請名師
代課以免懸曠仍令約束諸生安分自愛不得瞻徇梓
誼聽其盤踞唆訟遊蕩滋事理合具文詳請憲臺俯賜

興國縣志

卷三十七

藝文
國朝申文

三

察核示遵伏乞照詳施行隨奉本府吳贛南道張鹽法
道胡布政使司瑞俱批候撫憲核示又奉巡撫部院錢
批據興國縣詳瀲江書院聽該邑紳士等自行延請本
邑山長主講緣由現奉

上諭各屬書院務延經明行修之士主講毋得濫竽充
數通行欽遵在案據詳前情仰鹽法道核飭遵照此繳

